

23 APR 1998  
Sukma-Badminton  
MALANG BAGI LEE WINNIE

SHAH ALAM, 23 April (Bernama) -- Lee Winnie yang gagal membantu Selangor untuk pingat emas acara berpasukan sekali lagi ditimpa malang apabila tumpas di suku akhir perseorangan wanita di Dewan Persatuan Badminton Selangor (SBA) malam ini.

Lee Winnie yang merupakan pemain pilihan pertama acara perseorangan wanita temasya Sukma ke-7 tewas kepada pemain tidak ternama dari Melaka Wan Soon Lian dalam 9-12, 3-11.

Ini merupakan tamparan hebat kepada kontinjen Selangor yang menaruh harapan kepadanya untuk mengutip emas acara individu.

Dalam acara perseorangan lelaki Ramesh Nathan dari Kuala Lumpur meneruskan kemaraan ke peringkat separuh akhir untuk bertemu Foo Yoon Keong dari Kedah setelah menumpaskan pemain perseorangan harapan Selangor Siew Yian Wai.

Ramesh merupakan pemain perseorangan pilihan pertama kejohanan kali ini.

Melaka yang diperkuatkan dengan kehadiran pemain beregu ketiga negara Jeremy Gan dan Ng Yan Fu bertarung dalam tiga set sebelum dapat menundukkan pasangan Kuala Lumpur Mahathir Mustafa dan Yap Yong Jyen 4-15, 15-5, 15-4 dalam acara beregu.

Pasangan beregu campuran Selangor yang mempertaruhkan Chan Chong Ming, seorang lagi pemain beregu negara berganding dengan Chong Nga Fan tampak menghadapi laluan mudah di peringkat separuh akhir bertemu Rashleen Rahim-Muhammad Hashim.

Rashleen-Muhammad Hashim sebelum itu menewaskan gandingan Kuala Lumpur M.Subramaniam-V.Kavitha.

#### KEPUTUSAN:

Suku akhir

-----

Perseorangan lelaki

-----

James Chua Kie How (Sarawak) mn Khor Eng Chiun (Pulau Pinang) 15-7, 15-5; Lee Tsuen Seng (Perak) mn Ho Chan Jee (Pahang) 15-5, 15-3; Foo Yoon Keong (Kedah) mn Nik Ahmad Faiz (Kelantan) 15-5, 15-4; Ramesh Nathan (Kuala Lumpur) mn Siew Yian Wai (Selangor) 15-2, 15-3.

Beregu Lelaki

-----

Tang Soo Sen/Yap Wee Meng (Selangor) mn Lui Min Hua/Wong Kong Who (Sarawak) 15-5, 15-7; Ahmad Mab'us/Mohd Hafiz (Kelantan) mn Tee Kok Seng/Wong Keng Loon (Johor) 8-15, 15-10, 17-16; Hong Chieng Hun/Chan Huan Chun (Kedah) mn Thong Chun Cheong/Chan Jian Hnoh (Negeri Sembilan) 15-4, 15-11; Jeremy Gan/Ng Yan Fu (Melaka) mn Mahathir Mustafa/Yap Yong Jyen (Kuala Lumpur) 4-15, 15-5, 15-4.

Perseorangan wanita

-----

Wan Soon Lian (Melaka) mn Lee Winnie (Selangor) 12-9, 11-3; Karen Lim (Perak) mn Andrea Chong (Kuala Lumpur) 11-8, 11-8; Leau Hui Ming (Pahang) mn Teo Hing Siew (Johor) 11-6, 12-9; Woo Pui Kuan (Kuala Lumpur) mn Goi Bok Jia (Kedah) 11-4, 11-0.

Beregu wanita

-----  
Lee Winnie/Chong Nga Fan (Selangor) mn Leau Hui Ming/Ho Shuh Mei  
(Pahang) 15-10, rtd; Susanan Chang/Ang Lee Ching (Sarawak) mn Law Hooi  
Woon/Ooi Chin Ee (Kedah) 15-7, 15-7; Chin Ee Hui/Wong Siew Hong (Pulau  
Pinang) mn Tham Wai See/Lam Yin Ling (Perak) 15-5, 15-0; Wan Soon  
Lian/Vicky Rodrigues (Melaka) mn Hardiana Jalil/Ng Soo Moi (Johor) 15-9.  
17-15.

Beregu Campuran

-----  
Chan Chong Ming/Chong Nga Fan (Selangor) mn Tang Wai Kong/Lee Siew May  
(Pulau Pinang) 15-6, 15-5; Chong Hua Jin/Vicki Rodrigues (Melaka) mn  
M.Subramaniam/V.Kavitha (Kuala Lumpur) 15-6, 15-11; Ho Chan Jee/Ho Shuh Mei  
(Pahang) mn Wilson Wong/Justina Annette (Sarawak) 15-8, 15-10.

-- BERNAMA

SHS AKD